

CONCELLO DE CARBALLO

C.I.F.: P1501900C
Praza do Concello S/N
Teléfono 981 70 41 00
www.carballo.gal
infocarballo@carballo.gal
15100 CARBALLO
A Coruña



Asunto: Anexo de expropiacións do proxecto construtivo “Realización de un by-pass en el río Anllóns en la zona de Muíño do Quinto, Carballo (A Coruña)”. Expediente 2021/U040/000002.

O Pleno municipal, en sesión ordinaria que tivo lugar o 27 de decembro de 2021, acordou aprobar o anexo de expropiacións para a obtención dos terreos que se consideran necesarios para a execución da obra hidráulica prevista no anteproxecto aprobado por Augas de Galicia o 15 de marzo de 2021 e no proxecto construtivo “Realización de un by-pass en el río Anllóns en la zona de Muíño do Quinto, Carballo (A Coruña)”, supervisado por parte do Departamento da Oficina Técnica do Ente Público Empresarial Augas de Galicia o 11 de novembro de 2021; segundo o documento redactado pola entidade Estudio Técnico Gallego, S.A. e asinado polo enxeñeiro técnico agrícola José Ignacio Alonso Díaz (colexiado nº 2095).

No mesmo acordo, no seu punto segundo, declarouse a utilidade pública e a necesidade de urxente ocupación dos bens e dereitos afectados pola obra hidráulica prevista no mencionado anteproxecto e proxecto construtivo, ao abeiro do artigo 52 da Lei do 16 de decembro de 1954 sobre expropiación forzosa (procedemento de urxencia).

Polo que se somete a información pública, o proxecto da obra e o anexo de expropiacións, por un prazo de 20 días, para que as persoas que se consideren interesadas formulen as observacións e reclamacións que estimen convenientes, co fin de rectificar posibles erros da relación publicada ou opoñerse, por razóns de fondo ou forma, á necesidade da ocupación. Neste caso indicará os motivos polos que deba considerarse preferente a ocupación doutros bens ou a adquisición doutros dereitos distintos e non comprendidos na relación, como máis convinte ao fin que se persigue.

Así mesmo, requíreselle aos titulares dos bens e dereitos afectados para que acheguen os títulos que os acrediten como propietarios dos mesmos. Advírteselles que este anuncio serve de notificación no caso de que estes sexan descoñecidos ou se descoñeza o seu enderezo, segundo o previsto no artigo 44 da Lei 39/2015, do procedemento administrativo común das administracións públicas.

A relación de bens e dereitos afectados que se inclúe no anexo de expropiacións é a seguinte:

Nº FINCA	REF CATASTRAL	TITULARES CATASTRAIS	DESTINO	SUP. TOTAL (m²)	SUP. AFECT. (m²)	OUTROS BENS E DEREITOS AFECTADOS
1	15019A001000540000IZ	Mª del Carmen Matnez. Muñiz Hros José López Sánchez	Horta	1.402	328	0.5 m³ formigón en columna 41 uds thuia Ud trasl cancela madeira e maia 3 uds poste formigón 3m maia arame
2	15019A001001240001OZ	En investigación	Prado-Labradío	230	7	
3	15019A001000520000IE	Hros Manuel Ponte Vila	Prado-Labradío	482	42	
4	15019A001000530000IS	Sofía Mira Lorenzo	Prado-Labradío	596	257	
5	15019A001000490000IE	Pedro García Vila	Prado-Labradío	4.997	1.164	
6	15019A001000380000IM	Manuel Porteiro	Prado-Labradío	1.302	668	
7	15019A001000390000IO	Mª Carmen Eirís Ponte	Xardín	4.434	424	8 uds módulo prefabr. Formigón 7 uds columna formigón
8	15019A001000370000IF	Pedro Traba Fariña	Prado-Labradío	1.554	266	
TOTAL					3.156	

Os documentos técnicos e os trámites contidos no expediente poderán consultarse na Oficina Técnica Municipal en horario de 10.00 h ás 13.00 h e nesta páxina web.

Carballo, 12 de xaneiro de 2022
O alcalde - Evencio Ferrero Rodríguez